



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geistliche Hauß-Bibliothec

Trostreiches vnd anmütiges Bett- vnd Zusprech-Büchlein/ Darinnen vil
Geistreiche vnd andächtige Gebett ... verzeichnet seynd

Lohner, Tobias

München, 1684

§. 9. Gebett für den Tisch.

urn:nbn:de:hbz:466:1-45004

S. 9.
Für den Tisch.

Zu Anfang.

℣. Alle Augen / O Herr hoffen in dich.
 ℞. Und du gibst ihnen zu bequemer Zeit die Speiß.
 ℣. Ehr sey Gott dem Vater / dem Sohn / vnd
 dem H. Geist.
 ℣. Gleichwie es war am Anfang / jetzt / vnd zu al-
 len Zeiten / vnd in Ewigkeit / Amen.
 Kyrie eleison / Christe eleison / Kyrie eleison.
 Vater vnser / Begrüß / re.

Gebett.

℣. Allmächtiger Gott / O barmherziger Vater
 der du dich gewürdiget hast / vns für deine
 unwürdige Kinder aufzunehmen / wir bitten dich
 demüthig / du wollest vns / vnd dise deine Gaben ge-
 segnen / damit wir sie zu deiner Ehr brauchen /
 vnd zu der ewigen Mahlzeit eingelassen zuwerden /
 verdienen mögen / Amen.

℣. Die Seelen der Abgestorbenen wollen ruhen im
 Frieden /

℣. Und der himlischen Mahlzeit genießen / Amen.

Zu End.

℣. Lobet Gott alle Völcker / lobet ihn alle Geschlechte
 ter.

℞. Derweil sein Barmherzigkeit über vns ist bestäti-
 get worden / vnd sein Wahrheit allezeit ver-
 bleibet.

℣. Ehr sey Gott / re. Kyrie eleison / re. Vater vns
 ser / Begrüß / re.

Gebett

Gebett.

D Allmächtiger Gott / barmherziger Vater /
wir sagen dir höchsten Lob vnd Danck / daß du
vns abermal so väterlich gespeiset / vnd getracht
hast / vnd bitten dich demütig / du wollest vns die
Guthaten zu Leibs vnd Seelen Heil gereichen las-
sen / vnd vns sambt allen vnseren Guthertern zu der
ewigen Mahlzeit beruffen. Durch Christum vnser
ren Herren / Amen.

S. 10.

Für die Erforschung des Gewissens.

Dancksagung für den ersten Punct.

Gott vnd Lob sey dir / O Gott Vater / der
du mich zu dem Ewigen Leben verordnet / er-
schaffen / vnd erhalten hast.

Ehr vnd Lob sey dir / O Gott Sohn / der du
mich erlöset / mit deinem H. Leib vnd Blut gespei-
set / vnd zu der wahren Kirchen beruffen hast.

Ehr vnd Lob sey dir / O H. Geist / der du mich
erleuchtet / gerechtfertiget vnd gestärcket hast.

Ehr vnd Lob sey Dir / O ganze H. Dreifal-
tigkeit / von welcher ich alles Guts / das ich heut vnd
sonst genossen / empfangen ; durch dessen Schutz ich
auch von allen Ubeln / in die andere gefallen / vnd
vnd ich vilmehr verdiens hätte / behütet worden
bin.

Lobe derohalben / vnd benedeye dich abermal
gen aller diser mir vnd anderen erzeigten Guther-
ten / vnd wünschen von Herzen / daß ich mich vnd
dieselben in Ewigkeit danckbar erzeigen möge.